

阿毗達磨大毗婆沙論卷第一百四十一 靜一

五百大阿羅漢等造 三藏法師玄奘奉 詔譯

大種蘊第五中執受納息第四之五

四念住者一身念住二受念住三心念住四法念住然此念住總說惟一謂心所中一慧自性根中慧根力中慧力覺支中擇法覺支

道支中正見或分爲二謂有漏無漏或分爲三謂下中上或分爲四謂三界繫及不繫或分爲五謂三界繫及學無學乃至若以相續刹那差別分別則有無量問此尊何故於此義中開少合多惟說四種答佛依正慧行相所緣麁細不同建立四種問若尔何故契經中說觀内外俱十二種別答不過四故但說四種如七葉樹七生預流彼亦如是問此體是慧何故世尊說爲念住答慧由念力得住所緣故名念住或此慧力令念住境故名念住此二於境展轉相資勝於餘法故說念住廣辯念住如餘處說

四正斷者一於已生惡不善法爲令斷故生欲發勤攝心持心二於未生惡不善法爲不生故餘說如前三於未生善法爲令生故餘說如前四於已生善法爲令安住不忘倍修增廣故餘說如前然此正斷或總爲一謂心所中一精進體根中精進根力中精進力覺支中精進覺支道支中正精進或分爲二謂有漏無漏或分爲三謂下中上或分爲四謂三界繫及不繫或分爲五謂三界繫及學無學乃至若以相續刹那差別分別則有無量問此尊何故於此義中開少合多惟說四種答一精進體於刹那中作用不同建立四種謂於已生未生惡法斷及不生故復於未生已生善法生及增廣故如燈一念四用差別謂燒炷盡油熱器破闇微亦如是問法蘊等論說斷已生惡不善法即具四種謂於已生惡不善法爲令斷故生欲發勤攝持心者彼斷已生惡不善位亦能令彼惡不善法未生

不生復令善法未生得生已生住等乃至說修已生善法令安住等亦具有四謂於已生善法爲令安住不忘倍修增廣故生欲發勤攝持心者彼修已生諸善法位亦能令彼惡不善法已生者斷未生不生復令善法未生者生如是便成十六正斷何故於此但說四

靜一
二

耶答依修行者差別意樂至加行位故作是說謂彼先時起一意樂至如行位便具四種如是依彼四種意樂至加行位故作是說然加行時皆惟有四不過四故但說四種如由意樂加行故說如是由趣入加行故說由依處加行故說由勝解加行故說應知亦尔已

說自性當說所以問此四何緣說爲正斷答由此四種能正斷故問前二可爾後二云何答以初爲名故無有失或此四種皆有斷義謂前二斷煩惱障後二斷所知障修善法時斷無知故暫斷永斷俱名斷故有處說此名爲正勝無倒策發成勝事故

問惡與不善何差別答惡謂有覆無記不善謂諸不善有作是說惡謂色無色界及欲界少分染法不善謂欲界多分染法有說惡謂欲界身邊二見品不善謂欲界諸餘煩惱等問何故惡不善法已生者說令斷未生者說令不生答已生者於自相續已有作用故說

令斷未生者於自相續未有作用故說令不生有說已生者於自相續已障聖道故說令斷未生者於自相續未障聖道故說令不生有說已生者於自相續已取果與果故說令斷未生者於自相續未取果與果故說令不生有說已生者於自相續已取等流果異熟

靜一
三

果故說令斷未生者於自相續未取等流果異熟果故說令不生有說已生者於自相續已酬同類偏行因故說令斷未生者於自相續未酬同類偏行因故說令不生有說已生者於自相續已燒已惱故說令斷未生者於自相續未燒未惱故說令不生有說已生者

於自相續已作譏呵已作垢染已作膠澤已墮惡意故說令斷未生者於自相續未作譏呵未作垢染未作膠澤未墮惡意故說令不生問所修諸善隨余所生即余所滅無有生已過一剎那有停住義如何乃言於已生善法爲令安住不忘倍修增廣耶答應知此中說二分善法謂順住分順勝進分令安住不忘者說順住分令倍修增廣者說順勝進分俱依相續展轉勝進說安住等故無有失有說此中說三品善法謂下中上令安住不忘者說依下品善根轉至中品令倍修增廣者說依中品善根轉至上品雖一剎那生已即滅而依相續故作是說

此正斷欲界有四色無色界亦余問欲界有惡不善法可說有四云何上界亦說四耶答彼雖過患不具而具有彼功德有說彼雖無所治而有能治問未至地可余上地云何答有多種對治謂捨對治斷對治持對治遠分

對治耽壞對治上地雖無捨及斷對治而有餘對治問靜慮可余無色云何答無色雖無壞對治而有持及遠分對治

此正斷學無學位各具四種問學位可余有惡不善法故無學云何答彼雖無過患而有功德有說彼雖無所治而有能治謂多種對

治如前說彼雖無捨及斷而有所餘

問緣涅槃精進何正斷攝有說初正斷攝以斷即涅槃故有說第二正斷攝以涅槃是不生故有說第三正斷攝緣涅槃時善法生故有說第四正斷攝緣涅槃時善法增故如是說者四正斷攝緣涅槃時作四事故謂緣諸

靜一

四

詳

法擇滅性時即令一切惡不善法已生者斷未生不生及令一切世出世善未生者生已生增廣

四神足者一欲三摩地斷行成就神足二勤三摩地斷行成就神足三心三摩地斷行成就神足四觀三摩地斷行成就神足問云何

名神云何名足有作是說三摩地名神欲等
四名足由四法所攝受令三摩地轉故問等
持俱有相應法多何故此四獨名神足答此
於等持隨順勝故謂於俱有相應法中資益
等於此四爲勝復有說者三摩地是神亦足
欲等四惟足非神如擇法是覺亦支餘六惟
支非覺正見是道亦支餘七惟支非道離非
時食是齋亦支餘七惟支非齋彼亦如是問
若三摩地是神亦足或應立一或應立五何
故說四耶答惟三摩地立爲神足從四因生
故說爲四謂加行位或由欲力引發等持令
其現起廣說乃至或由觀力引令現起由加
行位四法隨增令等持起故得定位於一等

持建立四種已說自性當說所以問此四何
緣說爲神足答諸所思求諸所欲願一切如
意故名爲神引發於神故名神足然此神用
略有二種一世俗所欣二聖者所樂若分一
界天於所說五神用中此中說具德神用如
間諸可意事不住順想於諸世間不可意事
不住違想於諸可意不可意事安住於捨正
念正知此等名爲賢聖所樂復有三種神用
一運身二勝解三意勢運身神用者謂舉身
凌虛猶若飛鳥亦如壁上所畫飛仙勝解神
用者謂於遠作近解由此力故或住此洲手
捫日月或屈伸臂頃至色究竟天意勢神用
者謂眼識至色頂或上至色究竟天或傍越
無邊世界間此三神用誰成就幾有說聲聞
成一謂運身獨覺成二除意勢惟佛世尊具
成三種有說異生成一謂運身二乘成二除
意勢然聲聞運身所顯獨覺意解所顯佛具

成三意勢所顯或復五種神用一業二異熟
三變現四具德五發心業神用者謂中有等
異熟神用者謂飛禽等變現神用者謂依靜
慮分一爲多合多爲一等具德神用者謂四
神足發心神用者謂天龍等此中天者謂欲
爲多合多成一此等名爲世俗所欣若於世

靜一

五

契經說苾芻當知欲三摩地斷行成就修於神足依止離依止無染依止滅迴向於捨勤三摩地心三摩地觀三摩地說亦如是此中說何名爲離等有作是說是三摩地彼說若緣三摩地爲境修於神足由二緣故名依離等謂意樂故及所緣故若緣餘法爲境修於神足但由一緣名依離等謂意樂故非所緣故有餘師說是寂滅涅槃彼說若緣寂滅涅槃爲境修於神足由二緣故名爲離等謂意樂故及所緣故若緣餘法爲境修於神足但由一緣名依離等謂意樂故非所緣故復有說者是三摩地及寂滅涅槃彼說若緣此二爲境修於神足由二緣故名爲離等謂意樂故及所緣故若緣餘法爲境修於神足但由一緣名爲離等謂意樂故非所緣故應知此中依止離者謂初靜慮依止無染者謂第二靜慮依止滅者謂第三靜慮迴向於捨者謂第四靜慮

靜一

六

王桺

如契經說苾芻當知何等名壽謂四神足問何故神足說名爲壽答由此爲依壽不斷故謂在定伍遠離壽灾有說依此離壽灾故謂經說若有苾芻苾芻尼等於四神足若習若修若多修習彼若希求住壽一劫或一劫餘隨意自在由此故說神足爲壽

如契經說有一梵志來詣具壽阿難陀所種種愛語歡喜問訊已退坐一面問阿難曰何故於沙門喬答摩所勤修梵行問何故梵志作是問耶答彼是阿難昔時朋友委知尊者是愛行人於五欲中先恒耽著故來試驗爲求愛斷而修梵行爲求勝欲修梵行耶故作斯問阿難答言我爲愛斷故在佛所勤修梵行問勤修梵行斷七隨眠何故但言我爲愛斷答尊者慶喜亦知梵志是愛行人耽著諸欲爲汲引故意云若汝爲愛所纏欲求離者宜捨家法來世尊所隨我勤修清淨梵行故

方便答我爲愛斷婆羅門曰沙門喬答摩實
有道迹能斷愛不阿難陀曰實有勿疑汝若
來修定能斷愛梵志請曰願爲說之令我心
開必當依命尊者告曰惟我世尊如實知見
說四神足依之修習速離愛纏問若有能於
四念住等三十七種菩提分法隨一修習皆

靜

七

能斷愛何故但言修四神足答此是愛結近
對治故謂有愛者馳散諸緣等持能爲彼近
對治梵志復曰如仁所言神足無邊修何能
盡問梵志何故作是語耶答梵志意言此四
神足其體徧在學無學位彼即無邊修何能
盡修若不盡何能斷愛阿難告曰此非無邊

善法故名根能破惡法故名力有說不可傾
動名根能摧伏他名力有說勢用增上義是
根不可屈伏義是力若以位別下位名根上
位名力若以實義一一位中皆具二種此二
廣辯如餘處說

七覺支者一念覺支二擇法覺支三精進覺

梵志復言請爲解說阿難告言吾今問汝可
隨意答於意云何汝曾生欲入園遊不梵志
曰然復問入園旣遊觀已生欲還不梵志曰然
然復問二時所生樂欲豈不有異梵志曰然
尊者告言如汝生欲二時有異一欲入園二
生智或如實覺即無漏慧七爲彼分故名爲
支四喜覺支五輕安覺支六定覺支七捨覺
支擇法即慧喜即喜根捨謂行捨餘四如名
即心所中各一爲性已說自性當說所以問
何故此七名覺支耶答覺謂究竟覺即說無

所修爲欲斷愛無學所修爲現法樂隨所修
異非謂無邊梵志如何謂修不盡彼聞歡喜
發淳淨心歸佛出家修於梵行

五根者謂信根精進根念根定根慧根五力
亦余此五隨名即心所中各一爲性已說自
性當說所以問何緣此五名根名力荅能生

如餘處說

八道支者謂正見正思惟正語正業正命正精進正念正定正見即慧三思惟即尋正語業命即隨心轉三根所發身語無表餘三如名即心所性已說自性當說所以問何故此八名爲道支答所覆通達故名爲道八是彼

靜一

分故說名支正見亦道亦支餘七是支非道

此亦如餘處廣說

四靜慮者謂初靜慮乃至第四靜慮有說尋喜樂捨相應靜慮如次爲四此有二種一修得二生得修得者即彼地攝心一境性若并助伴即四蘊

助伴即五蘊性生得者隨地所繫餘五蘊爲性已說自性當說所以問此四何緣說爲靜

處廣說

慮答靜謂寂靜慮謂籌慮此四地中定慧平等故稱靜慮餘隨有闕不得此名此四廣如餘處分別

四無量者謂慈悲喜捨慈謂與樂作意相應無瞋善根爲性悲謂除苦作意相應無瞋善

根爲性有說不害爲性喜謂慶慰作意相應喜根爲性有說以善心所中欣爲自性捨謂平等作意相應無貪善根爲性已說自性當說所以問何故名無量答由此四種緣無量有情故生無量善法故招無量勝果故廣說此四亦如餘處四無色者謂空無邊處乃至非想非非想處此亦二種一修得二生得修得者即彼地攝心一境性若并助伴即四蘊性生得者即彼地繫餘四蘊爲性已說自性當說所以問何故此四說名無色答此四地中超過一切有色法故違害一切有色法故色法於此無容生故說名無色此四亦如餘

靜一方

八解脫者一有色觀諸色解脫二內無色想觀外色解脫三淨解脫身作證具足住四空無邊處解脫乃至七非想非非想處解脫八滅受想解脫身作證具足住此中前三無貪善根爲性若并助伴即五蘊性次四即以彼

根本地加行善四蘊爲性有說亦以彼近分地前八解脫道爲性最後解脫以滅盡等至爲性已說自性當說所以問何故名解脫答解脫所有彼能障故餘義如餘處廣說

八勝處者一內有色想觀外色少乃至廣說二內有色想觀外色多乃至廣說三內無色

想觀外色少乃至廣說四內無色想觀外色多乃至廣說觀青黃赤白復爲四種此八皆以無貪善根爲性若并助伴即五蘊性已說自性當說所以問何故名勝處答降伏所緣摧滅貪愛故名勝處廣分別義如餘處說十徧處者謂各別觀青黃赤白地水火風即

爲前八九空無邊處十識無邊處此中前八無貪善根爲性若并助伴即五蘊性後二徧處即以彼地有漏加行善彼勝解悞品四蘊爲性已說自性當說所以問何故名徧處答所緣廣普勝解無邊故名徧處餘義如餘處說八智者謂法智類智世俗智他心智苦智

集智滅智道智非盡無生以位局故此八皆以心所法中慧爲自性已說自性當說所以問何故名智答於所緣法審觀決定故名爲智餘義如餘處廣說

三等持者一空二無願三無相此三皆以心所法中三摩地爲性通有漏無漏此中惟說無漏解脫門故若空無我二行相俱無漏等持名空三摩地若無常苦因集生緣道如行出十行相俱無漏等持名無願三摩地若滅靜妙離四行相俱無漏等持名無相三摩地已說自性當說所以問何故名等持答平等持心令專一境有所成辦故名等持廣說此

靜

十

三如餘處辯四沙門果者一預流果二一來果三不還果四阿羅漢果此四各以二法爲住一無爲二有爲無爲果者謂預流果以三界見所斷擇滅爲性一來果以三界見所斷及欲界修所斷前六品擇滅爲性不還果以三界見所斷及欲界修所斷擇滅爲性阿羅

漢果以三界見修所斷擇滅爲性有爲果者隨其所應皆以無漏五蘊爲性已說自性當說所以問何故名沙門果答無倒勇勵息除染法名曰沙門是諸沙門所引所證名沙門果此亦如餘處廣說

五通者一神境智通二天眼智通三天耳智

通四他心智通五宿住隨念智通此五皆以慧爲自性已說自性當說所以問何故名通答於自所緣無倒了達妙用無礙故名爲通界者四惟色界繫他心智通色界繫及不繫地者在四靜慮根本地非近分非無色所以者何若地有五通所依殊勝三摩地彼地有

五通近分無色無五通所依殊勝三摩地是故於彼無此諸通有說若地奢摩他毗鉢舍那平等攝受彼地有五通近分無色隨一闕故無有五通所依者皆依欲色界行相者四種惟不明了行相他心智通若有漏亦不明了行相若無漏作道四行相所緣者神境智

靜一
十一

通緣欲色界或四處或二處天眼智通緣欲色界色處天耳智通緣欲色界聲處他心智通緣欲色界及不繫心心所宿住智通緣欲色界五蘊念住者前三惟身念住他心智通是三念住除身宿住智通惟法念住他心智通種惟世俗智他心智通若有漏是世俗智他心智若無漏是法智類智道智他心智三摩地俱者四種非三摩地俱他心智通若有漏亦非三摩地俱若無漏與道無願三摩地俱根相應者依種類說三根相應謂樂根喜根捨根卅者五種皆墮三卅前四過去緣過去現在緣現在未來若生緣未來不生緣三卅宿住智通過去現在緣過去未來緣三卅善等者天眼天耳通是無記緣三種神境智通是善緣無記餘是善緣三種欲界繫等者四是色界繫緣欲色界繫他心智通是色界繫及不繫緣欲色界繫及不繫學等者四是非學非無學緣非學非無學他心智通是學無

學非學非無學緣學無學非學非無學見所斷等者三是修所斷緣修所斷他心智通是修所斷及不斷緣見修所斷及不斷宿住智通是修所斷緣見修所斷緣名緣義者宿住智通通緣名義餘四惟緣義緣自相續等者他心智通惟緣他相續餘四通緣自他相續

及非相續加行離染得者問此五通爲加行得爲離染得若加行得者智蘊所說云何通如說若成就現在他心智亦成就過去未來耶答如是若離染得者此蘊前說云何通如說以無間道證神境智通時念住現在修未來修四等非起先得有未來修有說惟加行得問智蘊所說云何通答彼文應作是說若成就現在他心智未來定成就過去若已滅不失則成就若未已滅或已滅而失則不成就而不說者言勢所引總略答故有說惟離染得問此前所說云何通答說重調練菩提分法非初得修余時但令先所得者轉明

靜一

士

勝故如是說者皆通加行及離染得此蘊但說加行得者智蘊惟說離染得者如是便爲二說善通有說於彼離染得中有已曾習有未曾習智蘊說已曾習此蘊說未曾習如是亦爲二說善通離染得者謂初靜慮所引發者離欲界染時得乃至第四靜慮所引發者離第三靜慮染時得若諸聖者及復有異生通得曾習未曾習餘唯得曾習離染得已加行現前佛不加行獨覺下加行聲聞或中或上又隨離染解脫道時所修得者皆離染得若於餘時而修得者皆加行得何處起者欲色界皆得起欲界中惟人天人中惟三洲通行男女身異生聖者學與無學皆得現起

問諸通爲無間道攝爲解脫道攝若無間道攝者經所說云何通如說分一爲多合多爲一乃至廣說非無間道一剎那中有如是事若解脫道攝者品類足說當云何通如說通云何謂善慧天眼耳通解脫道是無記慧云

阿名通答諸通是解脫道攝如沙門果解脫道攝非無間道此亦如是問品類足說當云何通答彼所說通與此說異彼說善慧比目名爲通以說一切法皆是所通達故此中所說勝慧名通此通或善或是無記通與善慧得作四句有通非善慧謂天眼耳通有善慧非

靜一

十三末

通謂除通餘善慧有俱是謂餘四通有俱非

謂除前相

問此五通爲如說而生爲不尅有作是說如說而生謂先起神境智通故佛前說乃至後起宿住智通故佛後說謂彼聞色界天而不能往故先起神境通往而不能見其色故次

起天眼通見而不能聞其語故次起天耳通聞而不能知其心故次起他心通知彼心已未知宿世曾相遇不故後起宿住通卅尊依此次第而說如是說者次第無定謂或先起神境通乃至或先起宿住通或有唯得神境通如天授等或有惟得天眼通如善星等是

故諸通無順入逆入亦無超越次第如諸等至或如無量解脫勝處徧處

問修起神境天眼通時俱有光明此有何異答若修神境所引光明或化所爲或自性有若修天眼所引光明非化所爲惟自性有

說一切有部發智大毗婆沙論卷第一百四十一 靜一
 猥慈
 朗音
 性反
 頃音
 傾領注
 膠滯上音
 交下音
 淩虛上音
 手捫音
 門下音
 跡音
 止反
 訊音
 信問也
 躲丁舍反
 貪多也也
 汲引上音
 流勵音例
 勵勉音

阿毗達磨大毗婆沙論卷第一百四十二 靜二

五百大阿羅漢等造 三藏法師玄奘奉 詔譯

根蘊第六中根納息第一之一

二十二根眼根耳根鼻根舌根身根女根男根命根意根樂根苦根喜根憂根捨根信根精進根念根定根慧根未知當知根已知根